

# Tibas enstagl alumbards


Clom d'uraziun da l'ultim directur da cura Hanspeter Danuser

DA HEINI HOFMANN

■ La «spezia» helvetica directur da cura è morta ora. Hans Peter Danuser è stà l'ultim directur da cura a San Murezzan. Ha el stui ir perquai ch'el ha gi memia bler success? Ussa dat el in sguard enavos – ed enavant, declera ses puntg da vista, ma senza gritta. E la tiba, sia caratteristica per vita duranta, daventa en memoria a Marignano in dratguir per il clom d'uraziun per l'entira Svizra. En ses cudesch «St. Moritz einfach» ch'è cumparà sis onns suenter sia relaschada bilantschescha el avertamain ed a moda divertenta sia vita. Uschia raquinta el per exempel da ses servetsch agricul sin in bain puril en il chantun Vad. Là ha el entupà in famegl da Turigt che aveva fatg l'empredissadi da pur. In di ha il patrun ditg ad els dus: «Da vos vegni segir mai insatge endretg!» Mo el è sa sbaglià. Il famegl Christoph Blocher è daventà in interpredider cun success e star da la politica, Danuser tuttina directur da cura...

## Mister San Murezzan e sia tiba

Suenter il studi a l'Universitad da S. Gagl, la carriera sco uffizier ed emprims engaschaments ha el prendi ina decisiun impurtanta – durant leger in inserat en la NZZ, en il qual ins tschertgava in directur da cura per San Murezzan. Plitost per interess è el s'annunzià – ed è vegni elegi. In sigl en l'aua freida. Success ha el gi en l'Orient Extrem. Ils Asiats enconuschevan da las Alps Svizras mo la Heidi, per-



Quai che il retg dal Bernina è stà per las muntognas è Danuser stà per San Murezzan, in logo vivent.

quai ha el creà il Heidiland, sia emprima registraziun da marca.

Ulterius istorgias da success èn stads ils relaunchs dal Glacier Express tranter San Murezzan e Zermatt, dal Bernina

Express ensemen cun la Viafier retica e quel dal Palm Express cun il Servetsch svizzer d'autos da posta tranter San Murezzan ed il Tessin, resp. il Vallais. La finala è il traject da l'Alvra-Bernina daven-

tà in Patrimoni cultural mundial da l'Unesco. Quai che l'olimpiada è per il sport è il patrimoni mundial per la natira e la cultura: la Champions League en ils martgads da nischa.

La festa da giubileum da 100 onns dal Cresta Run ha dà chaschun da ponderar davart ulteriurs events annuals. Uschia è l'idea dal vicedirectur Martin Berthod da jugar polo sin la naiv oz in dals topspectaculs sper il White Turf. Il grond coup è dentant reussi a Danuser cun la registraziun dal num local San Murezzan sco marca ch'è alura anc vegnida cumpletta da cun il slogan Top of the World. Ins ha vendi il num en licenza a partenaris da l'economia privata ed incassà ils onns suandants 10 milliuns francs.

Sin ses viadis da promoziun enturn il mund ha sia Swiss Lady adina accompagna il mister San Murezzan. Per Danuser eri numnadamain cler: vacanzas èn in product emozional, il directur da cura è cussegliaier da siemis, ed in messadi intermedià cun ina tiba ha in effect pli durabel che blers plets (vesair il text en la boxa).

## Teater primitiv e danovamain fortuna

Dal fatg ch'ins al ha visà senza stil sia piazza suenter 30 onns engaschi cun passiu s'occupa el mo curtamain. El qualifitgescha la visada sco «teater primitiv» e sia «dissima» cun ina reduziun da la renta d'in dumber da duas cifras sco diletanta e perfida: «L'organaziun nova n'ha surpiglià gnanc in da mes excellents commembers da cader ed ha uschia pers

bler know-how e chaschunà ch'il martgà ha scurlatà il chau. Ils responsabels han destrui in manaschi che funcziunava bain e cumbattan dapi lura cun ina fluctuaziun da persunal da duas cifras ed in donn da frequenza».

Il turisticar da success na metta betg il chau en il sablon e mutescha cun 61 onns ad in interpredider giuven cun ideas e success. L'istorgia lunatica da la fortuna da Danuser sa repeta er en sia vita privata: el aveva survegnì il medem mument il telegram da gratulaziun per sia elecziun sco directur da cura da San Murezzan ed il messadi che sia emprima dunna haja parturi il segund figl, ed il mument che ses cudesch «St. Moritz einfach» cumpara, al regala sia segunda dunna Amelie von Platen – che survegn il medem temp il dretg da burgais svizzer – in figl che sa numna Lennart Leo. Quai po bain capitar mo ad in profi da marketing!

E co che tut è sa splegà: il document da naturalisaziun ha il postin purtà sco brev recumandada, custs: 765 francs. Ma Danuser n'aveva betg tants daners en chasa. El ha pia telefonà a sia dunna ch'era suenter la naschientscha da lur figl anc en l'ospital. Ella ha alura pudì dir a ses um nua ch'el chatta quai che manca en la cassa da tegnairchasa e da benzina. La finala hai gist tanschi da «cumprar en» sia nova amur e mamma dal terz figl...

St. Moritz einfach – Erinnerungen ans Champagnerklima. Südschweiz Buchverlag, Cuira 2014, 208 p. 29 francs. ISBN 978-3-906064-30-7.

## La marca Danuser: Concert monstrus a l'Expo Milano 2015

500 Swiss Ladies vegnan ad auzar lur vuschs

La tiba è stada la caratteristica da l'ultim directur da cura da San Murezzan. Ussa han Hans Peter Danuser e sia grupa da tibas engiadinaisa prendi per mauns cun l'instrument nazional svizzer in project da mamut che promova il turissem a moda persistente. Sut il patronadi da Preschienttscha Svizra en il Departament federal d'affars esteriurs e da l'Associaziun federala da jodladers ch'èn sigliids en suenter che Svizra Turissem ha refusà ils iniziants duain sa preschentar il settember 2015 (ils 25 u ils 26) 500 sunatibas en costum en ina furmaziun da mamut a l'exposiziun mundiala «Expo Milano». L'exposiziun ha lieu avant las portas da la Svizra e spetga 20 milliuns visitaders.

Ils sunatibas duain producir in'onda da tuns nunemblidaivla e psicadelica.

Ins vul far attent l'Italia ed il mund a trais prestaziuns impurtantas da noss pajais: l'onn 1515, pia avant 500 onns, ha cumenzà suenter il schoc da la battaglia da Marignano (en la vischinanza da Milaun) de facto la neutralitad, e dapi 200 onns, vul dir dapi il Congress da Vienna dal 1815, nua che la «neutralitad eterna» è vegnida confermada de iure, ha il stadi pitschen en il center da l'Europa pasch cun ils pajais vischins.


Er or d'in puntg da vista prospectiv ha quest concert monstrus da tibas in caracter simbolic: ils instruments musicals en furma da tunnel vulan era far attents a l'avertura dal tunnel da basa dal Gottard

da 57 km il 2016. El è il pli lung tunnel da viafier dal mund ed in simbol per la competenza da «Swiss Engineering».

A Milaun èn planisads dus concerts da tiba cun trais premieras: la chanzun «Expo Milano» a las 11.00 en l'exposiziun sco tala, e sin la piazza dal dom a las 15.00 las melodias «Marignano» e «Gottardo 16». Tuts dus concerts cumenzan cun Rossini, ch'è cult en l'Italia, numnadamain cun la triada legendara da l'avertura da l'opera «Guglielm Tell». Questa triada dovan ils autos da posta svizzers dapi decennis sco signal acustic: «tü-ta-to». La triada dals diesch autos da posta a dus plauns che mainan ils 500 sunatibas a l'Expo vegn a restar en memoria als Milanais.



Tibas enstagl alumbards: En memoria a la battaglia da Marignano avant 500 onns ed en vista a l'avertura dal pli lung tunnel da viafier dal mund al Gottard prevedida per l'onn 2016 duain 500 tibas resunar a la Expo Milano 2015.



Frontispizi dal cudesch.



Dubla ventira: Naschientscha dal figl Lennart Leo ed impatriaziun da la giuvna mamma.

FOTOS MAD